

# Колхоз бусы

ВКП(б)-лэн  
Зуриксэй  
райкомезлэн но  
райсоветлэн  
исполкомезлэн органы

## НАРОДНОЙ ХОЗЯЙСТВОВАЛЬСЬ ВАНЬ РЕСУРС'ЕССЭ—ФРОНТЛЫ ЮРТТОНЭ!

### Нюлэс дасянэз кужмоятоно

Сйзыл но толалтэ сезонэ нюлэс дасяны кутскем дырыкен одйг толэз ортчиз ни. Районысьтымы азымынсь нюлэс корасьёс социалистической родинамылы нюлэс сётон понна бадзым кужымен асысэ уж'ёссы котыре кутскизы.

Нюлэс дасянын кемаласэ ужало ни Сеп сельсоветысь Сеп, Пажвай, Лудошур но Михайловка колхоз'ёсысь колхозник'ёс. Та нюлэс корасьёс куспын вёлме социалистической соревнование. Нюлэс корасьёс Октябрьлэсь XXIV ар тырмонэз азинлыко ужамен пумитаны нюр'ясько. Пажвай колхозысь Романов эшлэн бригадяз котькуд ужасэ нуналлы быдэ нормазэс 3,5 кубометр интые 5 кубометр быдэс'яло. Нош постоянной кадраны ужасэс И. Иванов но И. Агафонов нуналы быдэ котыр 8,5 кубометр страналы нюлэс сёт. Таослэсь бере уг кылэ нюлэс ворттисьёс Одиноких, А. Никитина, Ф. Никитин, Д. Стрелков но мукет'ёсыз.

Военной дырлы тупась жоглык'ёсын ужасэслэсь лыдзэс нуналысь нуналэ трос кароно.

Нылетй квартал нюлэс дасянэз, ворттонэз но поттонэз азинлыко быдэс'ян понна благоприятсен луэ. Озы ке но куд колхоз'ёсын уг дырто ужасэсты нюлэскы ыстонэн, нюлэс дасян уж'ёсты бергес азелы кельто. Та дырозь одйг мурт но нюлэскы өз ыстэ на В-Люк, Сурсов айчик, М-Ирым, Новолинск, Максимовка но куд-ог мукет колхоз'ёс. Та нунал'ёсы гинэ нюлэс дасян уж'ёс котыре кутскизы. Быдзимошур, Р-Кожей но Кабаново колхоз'ёс.

Таце факт'ёсты но вератэк уг луы, зэм соос трос өзёл, но нюлэс дасянэз быдэс'яны со люкетэ. Н-Деревня колхозлэн председателез Небогатиков нюлэс дасянэ вис'яз кык мурт 16 арес'ем но одйг мурт 14

арес'ем пиос'ёсты, куд'ёссэ ас коказы нюлэс дасянэ ноказы но лэзыны уг луы. Быдзимошур колхозын 8 мурт интые 3 мурт нюлэскы лэзыны, таос но одйгез пересэ колхозница но кылем'ёсыз кыкез подросток'ёс. Нош Тютти колхозын нуналлы быдэ 9 километр кемысь ужамысь бертыло. Таослэн нуналзы мынон-бертонлы гинэ быре.

Та тырмытэос нюлэс дасянэз быдэс'янэз жегато, палэнтон соосты.

Лесопунктлэн но тырмытэосыз вань. Тырмыон укомплектовать карымтэ участок'ёс мастер'ёсын но бракер'ёсын. Кылярысь, Вукоберской участокин өзёл мастер, нош Шабалюкской участокин өзёл бракер. Лесопунктлэн 30 вал'ёсыз вань, соос нюлэс ворттоныи использоваться уг карысько.

Нюлэс корасьёсты образцово обслуживать кароно луэ леспродторг, кытын управляющее Стрелков эш. Нош талэн системяз нюлэс ужасэс шоры мылкыдтэм учкон'ёс вань. Устье-Люкын продавецын ужа некто Лебедев. Одйг пол таце случай вал: Лебедев доры одйг нуналэ чукна Карачумской участокусь ужасэс нянь дуре лыкто. Продавец соослы „али дыр өзёл“ шуыса нянь уг лэзыны, жыт пал лыктыны косэ. Ужасэс со нуналэ ик жытазе лыкто, но Лебедев соку соослы шуэ ни: „табере куазь бер“. Ужасэс номыртэк берлань кошконо луизы.

Ужасэслы таце отношенииэ быдтоно.

Нюлэс кулэ странамылы. Со кулэ обороналы. Партийной, комсомольской но профсоюзной организациослэн боевой задачей—нюлэс корасьёс пöлын масово-политической ужез нуыса, фронт'ёсын положениез валэк'яса, нюлэс дасянын ужасэсты мобилизовать кароно нюлэс дасян государственной план'ёсты быдэс'яны.

### „Пионер Удмуртии“ танк лэстымы

Районысьтымы уно пионер'ёс но школьник'ёс жутскем мылкыдын коньдон'ёссэс сётэ „Пионер Удмуртии“ танк лэстыны. Тужгес ик коньдон люкан азинлыко мынэ Б-Пургинской но Лудянской НСШ-ёсын. Та школаосысь дышеткисьёс 720 манет коньдон люкаса ог'я фондэ сётйзы ни. Танк лэстыны коньдон люканын активно участвовать каро Котегуртской школаысь дышеткисьёс но. Озы ваньмыз район'я 30 октябрыз 1075 манет коньдон люкамын ни.

Таце данлыко но бадзым уж шоры лябыт саклыкэс вис'яло Зуринской средней школаысь но Ключевской НСШ-ысь дышеткисьёс но дышеткисьёс. Зуринской средней школаын коньдон люканы котькыче луонлык'ёс луыса но туннэ нуналоз та фондэ одйг манет но сдать карымтэ на. Таце ик ужпум Ключевка НСШ-ын но. Татын школая 96 манет гинэ люкамын ни.

Котькуд дышеткись но пионер Воткинской школьник'ёслэсь „Пионер Удмуртии“ танк лэстыны сётэм предложенизэс бадзым жутскем мылкыдын пумитаны кулэ. Котькудйздышеткись, кöня со быгатэ, со мында ик сётны кулэ та танк лэстынэ.

„Пионер Удмуртии“ танк лэстыны коньдон люкан районысьтымы школьник'ёс пöлын мынэ на. „Пионер Удмуртии“ танк лэстымын луоз.

Стрелкова.

### Государственной заемлэсь облигацизэс басытон мыз

21 октябре, Сепской военной учебной пунктысь дышеткисьёс пöлын государственной облигациез наличной коньдонэн вузан сярэсь ужпумен собрание ортчиз. Тае татысь боец'ёс жутскем мылкыдын пумитазы. Соку ик ваньзы 39 мурт заемез наличной коньдонэн басытыны гожтиськизы.

Та ужпумлы тужгес ик бадзым саклыкэн относиться карыськизы боец'ёс — комсомолец'ёс М. Мосов, С. Лекомцев быдэн 30 манетлы, Г. Лекомцев 30 но В. Корепанов 50 манетлы гожтиськизы. Озы боец'ёс 1065 манет наличной коньдонэн заем басытыны гожтиськизы.

Таослэсь бере кылыны кулэ өзёл одйг военнообязанной но, одйг призывник но, озы ик ваньзы служашойёс но колхозник'ёс наличной коньдонэн заемез басытонэз жог но вылы удысын орчтыно луо, кудйз бадзым юрттэтэн луэ тушмонэз вань выжыеныз пазыгыны. **В. Корепанов.**

### Первичной парторганизация сельскохозяйственной уж'ёсты азинлыко быдэс'янын

Сепож сельсоветысь тросэз колхоз'ёс туэ арын кылем арын сярэсь гужем сельскохозяйственной уж'ёссэс азинлыко быдэс'яны. Веранэз өзёл та удысын бадзым ролез луиз Сепожысь первичной парторганизацилэн.

Партийной организация ас дыраз ужрад кутылйз ю октон-калтонэз дыраз быдэстон понна, кыче ке колхоз бере кылыны өз'яллыз ке, солэн мугез обсуждаться карыськылз но ужез организовать карон'я практической юрттэт соослы сёт'яськиз. Первичной парторганизациысь коммунист'ёс агитационно-массовой но организационной уж'ёс вёлмытон понна нимаз колхоз борды юмат'яськизы.

Милям парторганизация али но таце амалын ик ужа.

Сельсоветысь куд колхоз'ёслэсь образцово ужамзэс пусыны луэ. Тацеос пöлы пыртыны луэ Вукобер колхозэз, кытын вал ас дыраз председателез Копанев эш. Татын туэ аре но ю октйзы-калтйзы со мында площадьысь ик, кöня октйзы-калтйзы кылем арын. Нош кылем арын октон-калтонын ужазы 56 мурт, туэ арын 38 мурт. Кылем арын октон-калтон кыстйськиз 35 нунал, туэ аре 30 нунал.

Та пример'ёс возматэ колхозник'ёслэсь но колхозницаослэсь самоотверженно ужамзэс. Тани машинист С. М. Шкляев 3,5 гектар интые 5 гектар арал-

ляз, культо керттисьёс Т. И. Копанева 400 культо интые 700, А. Д. Шкляева 600 культо керттйлызы. Таце пример'ёс вераны луысал мукет уж'ёсын ужасэ колхозницаос сярэсь но.

Умой ужам'ёс сярэсь пример'ёс вераны луоз Сепож колхозысь но. Кылем арын та колхозын октйзы калтйзы 556 гектар вылысь, туэ арын 569 гектар вылысь. Кылем арын ю октон-калтонын ужазы 134 мурт, туэ 87 мурт. Машинист С. Г. Головкин 5 гектар интые 7 гектар аралляз. Ю октон-калтон дыр куспын со аслаз машинаеныз 126,51 гектар арал. Культо керттйлысьёс А. В. Кочергина, А. Л. Андреева ялан нормаоссэс мултэсэн быдэс'яны. 60 арес'ем М. Головкина 0,12 гектар интые 0,20 гектар аралляз.

Но сельсоветысь ваньмыз ик колхоз'ёс одйг кадь уг ужало на. Таин валче ик первичной парторганизация азын ответственной ужпум сылэ: сельсоветысь вань колхоз'ёсты умой ужасэс карон, соос ваньмыз военной дырлы тупась азинскон'ёсын мед ужалозы.

Партийной организация азын бадзым ужпум сылэ вань хозяйственной уж'ёсты азинлыко быдэс'ян. Со понна эшшо но кужмо вёлмытоно на агитационно-массовой ужез колхозник'ёс пöлын.

Сепожысь первичной парторганизацилэн секретарез А. Лекомцев.

### Боец'ёслы кузьым'ёс дасянысь

Красной Армилен боец'ёсызлы кузьым'ёс, пöзвёс, носкиос, тамак пуйыос сётон районысьтымы комсомолец'ёс пöлын нуналмысь паськыта. Али комсомолец'ёс бадзым жутскем мылкыдын тамак пуйыос вурон но соосты боец'ёслы келян борды кутскизы. Нырысен та ужез былэстйз инвалид'ёслэн артельысьтызы первичной комсомольской организация (секретарез Корепанова эш). Та организациын 50 тамак пуйыос вурны сётэмын вал, талэсь кулэлыкэс лыдэ басытыса, татысь комсомолец'ёс кык нунал куспын пуйыос вуронэз мултэсэн йылпум'язы. Озы соос районной складэ 55 тамак пуйыос боец'ёслы келяны сётйзы нй. Боец'ёслы тамак пуйыос вуронэз дырызлэсь азыло но мултэсэн быдэстйзы НКВД-ысь но Палым (Сепож сельсовет) колхозысь первичной комсомольской организациос. Вань сычеосыз но комсо-

мольской организациос куд'ёсыз та тамак пуйыос ты вуронэз кулээн уг лыд'яло но та дырозь со уж борды өз кутске на. Отчы пыро Ключевка НСШ-ысь, Б-Пургинской НСШ-ысь первичной комсомольской организациос. Та организациослэн секретарьёссы Ельцов но Воронцова эш'ёс та уж шоры но кыче саклытэк учко.

Тамак пуйыос вурон'я но сое сдать карон'я тужгес ик урод уж мынэ райпотребсоузысь первичной комсомольской организациын (секретарез Ложкина). Татын туннэ нуналоз одйг пуйы но сётймтэ на. Озы ик пуйыос өз сётэ на „Красной Звезда“ артельысь комсомолец'ёс (секретарез Кочетова).

Действующой Армии кузьым'ёс люканэз но келянэз жог но мултэсэн орчтыно. Одйгез но комсомолец боешлы кузьым сёт'ятэк медаз кылы.

К. Стрелкова.

### Английской Армилен Военно-воздушной кужым'ёсыз



„Мерлин“ бомбардир-вщик'ёс стартын.

# СОВЕТСКОЙ ИНФОРМБЮРОЛЭСЬ

30 октябре Чунна ивортон

30 октябре потон уйин асьме войскоос тушмонэн жугиськызы Волоколамской, Можайской но Малоярославцевской направлениосын.

\* \* \*

Тушмонлэсь наступленизэ возыса одйгез асьмелэн частымы, Волоколамской направлениын оперировать карисез, 4 нунал жугиськон куспын быдтыз 27 немецкой танк'эсты, 18 бронемашинасты, 120 военной груз'эсын автомашинасты но 900-лэсь но уно вражеской солдат'эсты.

\* \* \*

Одйгез авиасоединениысь самолет'эслэн группазы, Южной фронтын действовать карисез, зол атаковать кариз ушмонлэсь крупной мотоколонназэ. Бомбаосын но пулеметлэн тылыныз быдтэмын 190 немецкй автомашинаос но 2 батальон пала вражеской пехотаос.

\* \* \*

Асьсэлэсь улонзэс жалятэк жугисько фашистской захватчик'эсын советской партизан'эс Гомельской областысь район'эсын. Кемалась ик өвөл Речица городлэн комендантэз доры вуиз тодмотэм мурт, ассэ со Яриков шуыса нимаз, но ивортиз, что со тодэ крупной партизанской отрядлэсь расположениелэсь интызэ. Вуонэ нуналэ немец'эслэн подразделенизы карательной экспедицие отправитесь кариське. Тодмотэм мурт, партизанской отрядлэн участникеныз луыса, горсоветлэн председателезлэн Г. эшлэн командовать карем улсаз кема нуллиз фашист'эсты нюлэт'эти но болотае пыртыз. Гызылань мыныны луэ вал пичи пыдын ветлон сюрес кузя одйг мурт ем колонна-

ен гинэ. Немецкой офицер приказать кариз дугдытыны нюлэскысь полянае 3 бронемашинасты но станковой пулемет'эсты, нош солдат'эслы азылань мыныны. Нюлэскын немец'эслэн колонназы винтовкаосын но пулемет'эсын ыбылэмын вал. Фашист'эс вылэ вуизы гранатаос. 100 пала тушмон'эс виемын вал. Кылем'эсыз болотое пыризы. Партизан — проводник храброй'эслэн кулонэнызы куллиз. Мукетыз партизанской группа нападение лэст'эти бронемашинасты охранять карись фашист'эс вылэ. В а к ч и жугиськон дыр'я быдтэмын вал охрана, бронемашинасты сутэмын, нош пулемет'эс отрядэз вооружить каронэ вуизы. Мукетыз отряд колхоз председател'эслэн З. эшлэн командовать карем улсаз нападать кариз тушмонлэн продовольствиен автоколоннаез вылэ. Годовой машинаос гранатаослэн взрывенызы пазыгемын вал. Та жугиськонын партизан'эс быдтэмын 16 немец'эсты но сутэмын 9 автомобиль'эсты.

\* \* \*

Калинин городлэн район наз жугиськон'эсын асьмелэн частысмы пленэ басыт'эзы немецкой солдат'эслэсь бадзым группазэс. Пленной'эслэсь шедьтэм гожтэт'эсын вераське Германысь народной массаслэн Советской Союзлы пумит войнаны ялан будысь тырмытэос сярис. Ефрейтор Людвиг Циклинд кемалась ик өвөл Лейпцигаысь музислэсь гожтэт басыт'эс. Вот мар со гожтэ: „Бадзым шудтэме усэн. Мон ышты бадзымзэ пиме, нош тон браттэ. Быдэс толэзэ чоже солдатэн гожтэтэз ой вал, нош 3 нунал талэзэ азыло басытэмын официальной уве-

домление, что асьмелэн Генрихмы Петербургеэ басы тонын виемын. Кыче кышкыт куректон. Та кышкыт война тязэ, исковеркать кариз ваньзэ милесытым улонмес... Калык'эс, куд'эсызлэн скулэм интызы из, лицемер'эс милемды асьмелэсь пинал'эсмес ыштэм мумыосты буйгатыны туртско. Милем верало: „Радио ивортэ вылэ вормон'эс сярись, германской армия эшшо одйг город басыт'эс на», кылэськем ик уг поты сыче вераськон'эсты. Марлы милем мурт'эслэсь, тодмотэм город'эссэ? Табере тон мынам огнад кылд но монтуж кышкыскае тонэ ыштыны. Ысгозы тонэ эшшо кыче ке — сыче городэз басытыны, но тон бырод, Генрих сямен ик, трос мукет'эсыз сямен ик“. Гельмут Фишера солдатлэн кышноеэ Ганноверысен гожтэ: „Городын трос луизы сёсырмем'эс. Котыкытысь адзод суйтэм'эсты но пыдтэм'эсты. Соос войналэн инвалид'эсыз. Соослы даже завидовать каро. Соос ыштызы пыдэс яке суйзэс, нош мукет'эсыз улонзэс сёт'эзы. Городын трос луизы кузпалтэм'эс но бубытэм'эс. Ваньмы ми войнаны пумит. Может быть шедэзы дасосын болван'эс, мылкыд карис'эсыз воевать карыны. Сычосызы Ганноверын пуконныз ик өвөл. Пусть асьсэ понназы мынозы воевать карыны, милемды гинэ исатэк мед кельтозы“. Теодора Лоренца ефрейторлэн бубиз' курек'яське продовольствилэн шуг-секут'эсызы но заключать каре; „Табере вормон'эслы нокин но уг ни шумпоты. Калык'эс пумтэм быро. Мар понна? Таче жуасы вопрос'эслы бусэс ответ'эс табере нокинэ но удовлетворить уг каро ни.



Освободить карем Ельняе берытскем ул'эсэ немецкой блиндажысь асьсэлэсь талам доброоссэс шедьто. Красной Армиелэн частысы лэн зол пачкитэмынызы гитлеровской разор'еник'эс пезызы сокем дыртыса, что өз вуэ ни басытыны лушкам котыр'эссэс. Немецкой блиндаж'эс пёлысь одйгаз шедьтэм котыр'эс. Немецкой бандит'эс, кызы адзиське суред вылысь, гнушатысь уг карисько даже пичи гурт тырлык'эсын.

## Натуроплата тыронлы бадзым саклык вис'яно

ВКП(б)-лэн ЦК-езлэн но СССР-лэн СНК-езлэн сельскохозяйственной производственной кооперативной организации дасян сярись 1940 арын 7 апреле поттэм постановленизы, МТС-эслэн колхоз'эслы ужамыз понна натуроплата государственной обязательной ю-нянь тыронэн одйг кадь тыриськыны кулэ. Но районсытымы куд-ог колхоз председател'эс та постановлениез яб быдэс'яло.

Гражданка колхоз кыдем арын 1150,70 центнер натуроплата өз тыры, туэ ар понна со 515,32 центнер тыроно луэ. Ваньмыз 1666,02 центнер МТС-лэн ужамез понна тырыны кулэ. Озы ке но та колхоз одйг килограмм но натуроплатаэ өз тыры на. Таке ик ужпум'эс О-Ирым Быдзимосур но Т-Пурга колхоз'эсын.

Правительстволэсь постановлениоссэ уж вылын быдэстон понна паськыт валэктон уж нуыны кулэ райуполнаркомзаг, кудыз вискарытэк валэктыны кулэ колхоз председател'эсты обязательной поставкосты быдэс'ялэсь значенизэ но соин чош ик соослэсь сое уж вылын быдэстонэз требовать карыны, но райуполнаркомзаг таин кулэз'я уг кивалты. Колхоз но сельисполком'эслэн председател'эслэсь уг требовать кары натуроплатаэз

одно ик но дыраз тыронэз Верано луоз МТС сярись но. МТС-лэн директор'эс озы ик мукет'эсыз но ужасьсыз колхоз'эсы мытыса но одйг кыл но узтоттылэ МТС-лэн ужамез понна натуроплата тырон сярись. Та ужен соос ваньзы интересовать кариськыны кулэ но колхоз'эслэсь натуроплата тыронэс быдэстон понна кулэ луись-ужрад'эс кутано.

Котыкуд колхозлэн председателэз тодыны кулэ, если натуроплатаэз дыраз уд ке тыриськы, 10 нунал ортче ке 1 процент пение начисляться кариське. Лыдэ басытыны кулэ 1939 но 1940 ар'эсы натуроплата тыронсы тырмытэосты. Б-Пурга колхоз 1939 но 1940 ар'эсы натуроплата тыронэз быдэстымтэ понна 23 центнер, Сеп колхоз 35 центнер натураен тыриси.

Али котыкуд колхоз председател'эслы валамон, что странама фашистской изверг'эслы пумит жугиськонэ султэмын. Озы бере странама дополнительной ресурс'эс кулэ пёртэм военной объект'эсыз финансировать карыны.

Натуроплата тырон борды чик моготэк кутсконо сое вакчи дырын тырыса быдэстоно.

Ф. Чирков.

## ПВХО-лы дышетско

Обороналэн Государственной Комитетэзлэн постановлениез'я противовоздушной обороны противохимической оборонаны дышетскоп мылэ Сеп сельсоветысь население пёлын. Татысь военной учебной пункт'эс военнотырающей ПВХО кружокын али дышетско. Матысь нунал'эсы дышетсконзэс йылпум'ялозы но ПВХО-лэн 1 ступенез'я нормаос сётэсы.

Калыкез ПВХО кружокын дышетонлы бадзым саклык вис'я Сеп НСШ-ысь дышет'я А. Косарева эш. Со та ужен умой-умой тодматскемын ни. Али аслэстыз тодэмзэ населенилы сётон бордын нуналмысь ужа.

ПВХО-я со умоесь, наглядной пособиосын занятиос ортчыт'я.

Корепанов.

\* \* \*

Противовоздушной противохимической оборонаны дышетскоп умой-нэ райпромкомбинатысь ужасьсэ пёлын но. Татын 24 мурт дышетско. Соос ваньзы 7 ноябрыз ПВХО-лэн 1-тй ступенез'я нормаос сётэсы. Кружокен кивалтэ комсомолец П. Корепанов эш. Со котыкуд нуналэ кружокын дышетскыны тупатэм план'я дышетэ. Занятиос регулярно ортчыло.

А. Ложвина.

Ответственный редактор КНЯЗЕВА. Потт'ясь Райсоветлэн Исполкомез.

## Водоснабженилэсь источник'эссэ возымалэ

Воина дыр'я нимысь эскероно луэ тылэз заразной висён'эслэсь. Сыче висён'эсын икор'ясыкон условиос пёлысь одйгеныз важноен луэ—водоснабженилэн источник'эсыныз шонер пользоваться кариськон: шур'эсын, пруд'эсын, водохранилищосын, колодчаосын.

Шуре чем дыр'я завод'эсын но фабрик'эсын ужам ву ваське, шурысь юо пудоос, мисько сьбд дйсез, нош куд-ог дыр'я висись мурт вылысь кылем дйсез. Со вайыны быгатэ заразной висён'эсты, если талы пумит жог но энергичной мераос ке од куты.

Нырысь ик шурын инты вис'яно, кытысь юыны понна ву басытыны мед луоз. Со вис'ямын луыны кулэ сыче интылэсь вылын, кытын пыла сько, дйсь мисько, пудоосты люктало. Көнэ ке шорысьтыз басыт'эскод, со мында ик ву чылкыт. Вот малы вуэз шорысьтыз басытоно, а не шур дурысь, кызы со чем дыр'я луылэ.

Сыче пруд'эсын, кытысь юыны ву басыто, отын пы-

ласькыны, дйсь миськыны категорически уг лэзиськы. Пруд нудоослэсь но кенерамын луыны кулэ.

Куд дыр'я малпало, что колодчаын ву абсолютно чылкыт. Но со ялан озыл өвөл. Куд-ог селениосын колодчаос пудо гид'эслэсь но уборной'эслэсь кыдэкын ик өвөл расположить каремын. Урод утрамбовать карем муз'ем, шонер лэстымтэ, сисьмем буграысь—зорен, шунам лымыен колодчае чылкытэм маркеос шедэ, вуэз жоб но заразить каро. Чобы солэсь мозмытскыны, колодча котыр'тй луо, кёлы пазыно. Бугроез 2 метр мурдалазэ 50-75 сантиметр пасьталазэ сюен котыртоно. Со сянэ, колодча дорысен вуэз келяны канадосе копано, соос вылтй из'эс тыроно.

Котыкуд колодчалэн нимысь бадьяез яке ведраез луыны кулэ. Колодчаосысь асьсэлэн гуртысьтызы ваем ведраосын ву жут'яны өвөл лэзёно. Колодча вылэ липет лэстыны рекомендовать кариське.

Пудоос колодча доры

медам лыктэ шуыса, сое кенерано. Виль колодчаосты копаку пудо гид'эс но уборной'эс дорысен 30-50 метр кеме кыдэке мед луоз.

Военной дырлэн условиосаз но соин чош кышкыт эпидемической вспышкаослэн возникать каронэнызы одно ик кыл вератэк быдэс'яно водоснабженилэсь охраная источник'эсызлэсь санитарной требованиоссэ.

Тодылэ, что тушмон тылэ шпион'эсты но диверсант'эсты келя. Тужгес ик бдительнось луоно водоснабженилэн источник'эсыз дорын ибо тушмон вуэз заразить карыны может. Эскерыса возымалэ колодчаосты, пруд'эсты, водохранилищасты: эн лэзылэ соос доры мукет, тодмотэм калык'эсты!

Водоснабженилэсь источник'эссэ эскерыса, тй предупредить кариськоды заразной висён'эслэсь вёлмонзэс но соин тылэз золомыт'эскодды.

СССР-ысь Наркомздравлэн санитарной просвещенилэн отделысьтыз начальникез, врач К. ЛАПИН.